

# Perintah aruh bekunda, ngemeratka pemansang pelajar

## Raban nembiak aruh nerima bantu enda ngira sida ari ruang bilik ke bepemisi tauka enda

Dikarang Jacqueline David

**KOTA SAMARAHAN:** Pekara pelajar patut bendar dikemerat kena nyapai pemansang mudal mensia manggai ba taun 2020 ila.

Menteri Kereja Raya, Datuk Fadillah Yusufmadah, ketegat pemerat nya, perintah beratika sukut pelajar enggau serius, nyentuk Perintah Malaysia munaska bayar di sekula tang ngambi singkang positif, enggau chara meri bantu RM100 ngagai semua nembiak sekula ngambika ulih nyeliah sereta meransang semua, enda ngira sida ke bisi pemisi tauka nadai, sama nulung sekula ngiga penemu.

“Nengah pemandai kitai ulih ngangkat serta ngubah komuniti diri enggau ruang bilik kitai ke semina bepemisi mit ngagai petengan. Nya alai, aku ngarapka anak kitai belajar bebendar ngulihka penguntung nengah pengawa pelajar,” ku iya.

Iya madah baka tu lebu bejaku bejadika atur pengawa Program YSS (Yayasan Sukarelawan Siswa) Tuition Mission Sarawak, di Dewan Kuliah CTF 1, Kampus Barat UNIMAS semak ditu, kemari ti diatur ulih YSS lalu disu-

kung ulih semua Palan Pelajar tinggi (IPT) di Samarahan (UNIMAS enggau UiTM), Politeknik Kuching, Institut Pendidikan Guru (IPG) Kampus Batu Lintang, Tun Abdul Razak enggau Kolej Komuniti Kuching.

Ku Fadillah, tuju ngatur program tu laban mai bala nembiak universiti terit agi kaul sida enggau rayat di pun menua.

Kelimpah ari nya mega, program baka tu besambung ari program ‘Sukarelawan Siswa’ begulai enggau Komuniti Petra Jaya (Kpg Gita Lama enggau Kpg Gia baru) ti kala digaga ulih YSS ari 12-14 April tu tadi, alai maya nya, urung 1,000 iku mensia mayuh dibai beperesa penge-  
rai enggau enda bebayar ulih ‘sukarelawan siswa’ sereta lebih 100 iku anak mit dibai ngaga chura menira Malaysia, ngambika sida iya nemu reti penaluk ke menua.

Program tu deka digaga dalam kandang enam bulan, lalu iya deka peratika enti program tu manah, iya ulih diatur di serata menua Malaysia jemah ila.

“Ukai semina program tu manah ke nembiak universiti kitai, tang iya mega



**NGIGA PENELEBA:** Fadillah (dua kanan) nerima tepa ari Dr Mohammad Kadim, ke sama dikemataka Zuraidah (dua kiba).

manah ke komuniti kitai ke meri pemerat ngagai redak baru ke nyadi fokus tu, apai indai enggau pelajar anak sida iya.

“Program tu betatika pemerat pelajar lalu ngajar nembiak sekula ke enggau program tu chara ke landik ngulihka penemu lalu ulih besemekih enggau orang

bukai dudi hari ila. Pemujur jemah ila ngambika kita terus (perjuangkan),” ku iya.

Ba pekara ke sebaka nya mega, Chairman Sukarelawan Siswa ari Opis Menteri Pelajar, Dato Zuraidah Atan madah program tu keterubah iya digaga di Malaysia tang besambung ari ti kala digaga ulih YSS, 12-14 April tu

tadi, deka dipansik pemanah program tu sebedau iya dibai ngagai pelilih menua bukai.

“Maya kami ngaga program YSS keterubah suba, kami bertemu enggau mensia mayuh ke diau di genturung pendiau sida iya empu. Sida iya nanya bakani kami ulih mantu sida iya? Lalu sebengkah ari chara ke dipinta sida,

“Nengah pemandai kitai ulih ngangkat serta ngubah komuniti diri ari ruang bilik kitai ke semina bepemisi mit ngagai petengan. Nya alai, aku ngarapka anak kitai belajar bebendar ngulihka penguntung nengah pengawa pelajar.”

Datuk Fadillah Yusuf  
Menteri Kereja Raya

ngasuh nembiak universiti meri peransang ngagai anak-anak sida iya, ngambika sida iya pan bisi ati deka masuk universiti,” ku iya.

Iya nambah, sida nembiak universiti ke nyadi ‘sukarelawan’ dilalau seruran betatika konsep misi YSS ke bepegai ba jaku ‘right volunteers for the right job’ enggau proses ‘immersion’, iya nya beserakup enggau orang kampung, meretika chara pendiau sida iya lalu nulung ngajar anak sida iya.

“Nyadi ‘sukarelawan’ tu enda begaji, tang digaga enggau pengagit ati ke keran deka mantu mensia mayuh. Enti endag bisi ati deka ngaga pengawa nya, tauka endang rindu deka mantu orang bu-

kai, nya pengawa ke manah,” ku iya.

Naka kediatu, Zuraidah madah, ke siti-siti palan pelajar tinggi semina 20 ‘sukarelawan’ dipilih ke deka ngaga pengawa ngatika diri ya dalam kandang enam bulan.

“Asal bisi minat nyadi ‘sukarelawan’, enda ngira tuai biak, renggat berapa udah dalam universiti, sama tau masuk nyadi ‘sukarelawan’, asal iya ngereja pengawa nya enggau ati ke bendar... Baka Mission Peace Corp,” ku iya.

Sama bisi ngulu atur pengawa nya kemari, Mandak Chanselor Universiti Malaysia Sarawak (UNIMAS) Prof Dato Dr Mohammad Kadim Suaidi.